

Na osnovu člana 15. Zakona o Upravi za indirektno oporezivanje ("Službeni glasnik BiH", broj 89/05) i člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), a u vezi sa primjenom Zakona o elektronskom potpisu i Zakona o elektronskom dokumentu, direktor Uprave za indirektno oporezivanje određuje

## OPĆE UVJETE

### ZA ELEKTRONSKO POSLOVANJE SA UPRAVOM ZA INDIREKTNO OPOREZIVANJE

Uvjeti koji se zahtijevaju za korištenje elektronskog poslovanja sa Upravom za indirektno oporezivanje su:

#### 1. KVALIFIKOVANA ELEKTRONSKA POTVRDA

Sve poruke koje se, korištenjem sistema za elektronsku razmjenu podataka, razmjenjuju sa Upravom za indirektno oporezivanje radi provođenja postupaka indirektnog oporezivanja, za koje je Uprava omogućila servise, moraju biti potpisane kvalifikovanim elektronskim potpisom.

Za ovu svrhu, mogu se koristiti kvalifikovane elektronske potvrde izdate u skladu sa eIDAS Uredbom EU broj 910/2014 od strane Ovjerioca Uprave za indirektno oporezivanje i drugih ovjerilaca upisanih u evidenciju ovjerilaca kod Ureda za nadzor i akreditaciju ovjerilaca pri Ministarstvu komunikacija i transporta Bosne i Hercegovine, ukoliko su kompatibilne sa softverom koji UIO koristi u okviru elektronskog poslovanja.

#### 2. ZAKLJUČIVANJE UGOVORA O KORIŠTENJU ELEKTRONSKOG POSLOVANJA

Za omogućavanje elektronskog poslovanja korištenjem kvalifikovane elektronske potvrde zaključuje se ugovor sa Upravom za indirektno oporezivanje, kojim se reguliraju prava, obaveze i odgovornost lica koja žele da koriste elektronsko poslovanje i Uprave za indirektno oporezivanje.

Ugovor se zaključuje u pisanoj formi i korisnik ga svojeručno potpisuje.

#### 3. PRIJAVA ZASTUPNIKA ZA REGULIRANJE ELEKTRONSKOG POSLOVANJA

Korisnik koji želi koristiti elektronsko poslovanje sa Upravom za indirektno oporezivanje prethodno Upravi podnosi Prijavu zastupnika za reguliranje elektronskog poslovanja, koja sadrži podatke o korisniku i zastupniku za reguliranje elektronskog poslovanja.

Ovi uvjeti primjenjuju se od narednog dana od dana donošenja i objavljuju se na službenoj internet stranici Uprave za indirektno oporezivanje: [www.uino.gov.ba](http://www.uino.gov.ba).

Broj: 01-02-2-160-13 /21  
Banja Luka, 18.05, 2021. godine



**DIREKTOR**

*[Signature]*  
**Dr. MIRO DŽAKULA**